

О ДЕХИБЕ

Аме ли синям накажиге амаре манушикане снагенцар,
или о Дехиба!? Лескере камелиес пошяле ровен, ппенен...
Урявде андо шинелес жи ки ппув, пакярде бривдо шали!
Влачинен цъмяме пи воля машкар о хранле миморя!
О Дехиба!

Драбаргяс соси илюзиес, чхорде дашно катар о Бенг, коркоро
анде пе соваютне ттаненде, душмани! Сценате нернило!

Лескоро патиба варенже на издел цини, ни нишани животоске.
Бияндице гиямне роимнаске, ко ттан е бирбириенге слободна
амаре бахтакерувани... Сави вейнел ират-о диес. Ират -о диес...
Тай на синям каили те патинас! Сопрингяс те дуккал амен!? Бинго!

Ама дуккал амен, кай биилалес гнявинен о Дехибе! Мударен! Змечинен!
О Дехиба, о Дехиба амаре парне мударимнасар! Лулужано, грозно!
Дик, о мериге, анде паромнаскоро ккер, ккелел ккамало танго...
Биного! Е мошеникоске... Е трафикантиеске... Е плосьореске матин...
Варенже о дуйняно закони подчивен сар волейболно юмаки.
А ов, о закони, аха те пперел ленгири годи, ама, ппарьовел састо
балони...

Одолкка, саве шмъркинен чар жанпеске сиго- ОТЕ деккате аврял!?
Муцен ек бари генд анди тьктиме киси, банка, банкомати, жеба.
Битребутно, нищожно кяри! Лен о би-вогяле бикендира, циникя,
жамбазя!
Ан о животос е Дехимнаскири покинедикки пели! Тай нанай юз, церос
е вогиенге, гебердиме катар о чарютно агор - киндно ратвале левиеца!

Гълтиме, биттиме, би сулухиескоро
ппарярде яккендар, ратвале ловендар, варенже на пицинас.
Тай аме кола дехас! Тасльовас анди ханик хор е Девлескере омнязосар!
Девла, Девла! Е Девлескере омнязосар!
Аме ли синям накажиге телал о таксирати би Дехимнаскоро (амаре
бойеса,
манушикано), ил е Дехимнаскоро муй!? Те живнел дур
амаре илендар прокудиме, саде е меримнаске!
А и мисся Дехиба, си е дуйняскоро бимериге андо манушикано-
манушиге!
Те ашарас е Дехимнаске! Те ашарас лескере силаке екшук! Те овел
амен!

